



Broj: 05-04-20-2059-3/22  
Datum: 21.03.2022. godine

Na osnovu čl. 64. stav 1. tačka b) i 70. st. 1., 2., 3. i 6. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a na osnovu preporuke Komisije za javne nabavke navedene u Zapisniku o pregledu i ocjeni ponuda, broj 05-04-20-2059-2/22 od 16.03.2022. godine, u postupku javne nabavke „Izvođenje građevinsko - zanatskih radova na Gradskom stadionu – I faza (objekat vanjski WC)“, Načelnik općine Maglaj d o n o s i

## ODLUKU o izboru najpovoljnijeg ponuđača

### I

Prihvata se preporuka Komisije za javne nabavke, te se u predmetnom postupku, Izvođenje građevinsko - zanatskih radova na Gradskom stadionu – I faza (objekat vanjski WC), kao najpovoljnija, bira ponuda ponuđača „**DKM Gradnja**“ d.o.o. Maglaj u konačnom iznosu od **11.099,97 KM bez PDV-a, odnosno 12.986,96 KM sa PDV-om.**

### II

Izabrani ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

### III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

## Obrazloženje

Odlukom o pokretanju postupka, broj 05-40-20-2059/22 od 08.03.2022. godine, pokrenut je konkurentski postupak javne nabavke „Izvođenje građevinsko - zanatskih radova na Gradskom stadionu – I faza (objekat vanjski WC)“. Predmetna javna nabavka objavljena je na Portalu javnih nabavki, obavještenje o nabavci broj 1140-7-3-8-3-9/22 od 08.03.2022. godine. Kriterij za dodjelu ugovora je najniža cijena.

Predmetni postupak je provela Komisija za javne nabavke, imenovana Odlukom broj 05-45-1-599/21 od 14.04.2021. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63.stav 5. i 65. stav 2. Zakona o javnim nabavkama.

U predmetnom postupku, Komisija je utvrdila sljedeće:

U ostavljenom roku, blagovremeno su pristigle dvije ponuda i to od ponuđača "Kula Mont" d.o.o. Zenica i "DKM Gradnja" d.o.o. Maglaj.  
Neblagovremenih ponuda nije bilo.

Nakon pregleda i ocjene ponuda, a prije zakazivanja e-aukcije, Komisija je utvrdila da ponuda ponuđača "Kula Mont" d.o.o. Zenica, nije prihvatljiva iz razloga što ne ispunjava uslove koji se odnose na tehničku i profesionalnu sposobnost.

- a) U Tenderskoj dokumentaciji u tački 3.4. **Tehnička i profesionalna sposobnost, 3.4.1. Uslovi koje ponuđač mora ispuniti u pogledu tehničke i profesionalne sposobnosti** - Ponuđač mora ispunjavati sljedeće uslove vezane za tehničku i profesionalnu sposobnost:
- b) Da ima angažovano osoblje koje ispunjava obrazovne i profesionalne kvalifikacije zahtijevane čl. 96. i 99. Zakona o prostornom uređenju i građenju Zeničko-dobojskog kantona („Službene novine ZDK“, br. 01/14 i 4/16), odnosno da u radnom odnosu ima najmanje jednog diplomiranog inženjera arhitektonske ili građevinske struke, sa najmanje tri godine radnog iskustva u struci i položenim stručnim ispitom, te najmanje 15 kvalifikovanih radnika odgovarajuće stručne spreme za izvođenje predmetnih radova.

Ponuđač "Kula Mont" d.o.o. Zenica je dostavio u ponudi Lista osiguranih lica za obveznika izdanu od Kantonalnog poreznog ureda Zenica Ispostava PU od 09.03.2022.godine iz koje se vidi da u radnom odnosu imaju Kulačić Adisa od 20.04.2017. godine.

Međutim, nakon što je Komisija izvršila uvid u ostalu dokumentaciju i to Diplomom o stečenom visokom obrazovanju, utvrđeno je da je imenovani završio studije za sticanje visokog obrazovanja na Arhitektonsko – građevinsko - geodetskom fakultetu u Banjoj Luci i da je stekao zvanje Diplomirani inženjer građevinarstva dana **24.10.2019. godine.**

Dalje uvidom u Ugovor o radu je utvrđeno da je imenovani potpisao ugovor o radu dana **28.11.2019.godine** na poslovima inž.građevinarstva. (VSS), a iz Izjave "Limopres" d.o.o. Zenica se vidi da imenovani od 20.12.2020. godine pa do 14.03.2022.obavlja poslove rukovodioca gradilišta i ima kod njih 16 mjeseci staža.

Dakle, iz priložene dokumentacije se vidi da ponuđač "Kula Mont" d.o.o. Zenica ima po osnovu Ugovora o radu na neodređeno vrijeme zaposlenog dipl.ing.građ. ali da imenovani nema najmanje tri godine radnog iskustva u struci kao je to tražio ugovorni organ tenderskom dokumentacijom i to u tački 3.4.1. b) TD.

Znači, da nisu ispunjeni uslovi koji su utvrđeni tenderskom dokumentacijom, tako da je Komisija ocjenila da ponuda ponuđača "Kula Mont" d.o.o. Zenica nije prihvatljiva u ovom postupku javne nabavke, dakle dipl.ing.građ. prema ovim podacima nema najmanje tri godine radnog iskustva u struci, a što je traženo TD.

Ugovorni organ je u tenderskoj dokumentaciji, precizno, detaljno i jasno utvrdio svoje zahtjeve kako bi ponuđači na isti mogli odgovoriti.

Takođe ugovorni organ je tražio minimum zahtjeva za kvalifikaciju ponuđača u pogledu njihove lične sposobnosti kao i tehničke i profesionalne sposobnosti i ekonomskog i finansijskog stanja, a sve srazmjerno predmetu javne nabavke.

Rok za dostavu ponuda je bio devet dana od dana objave na Portalu javne nabavke, prema mišljenju ugovornog organa dovoljan rok za prijem zahtjeva za učešće i ponuda, uzimajući u obzir složenost predmetne nabavke i vrijeme potrebno za pripremu zahtjeva za učešće i ponuda, koji ne mogu biti kraći od rokova utvrđenih ovim zakonom, a kako je propisano članom 39. stav 1.Zakona o javnim nabavkama BiH.

Za konkurentski zahtjev nije određen rok za dostavu ponuda, ali je članom 43. Zakona utvrđeno da "Na rokove koji nisu posebno definirani ovim zakonom primjenjuju se odredbe Zakona o upravnom postupku".

Dakle, ugovorni organ je ocjenio da je rok od devet dana dovoljan rok za pripremu ponuda od strane potencijalnih ponuđača.

Zbog navedenog Komisija za javne nabavke je konstatovala da ponuda ponuđača "Kula Mont" d.o.o. Zenica, nije formalno pravno ispravna.

Preostala dostavljena ponuda od ponuđača "DKM Gradnja"d.o.o. Maglaj oblikom i sadržajem, upotpunosti odgovaraju traženim uslovima iz Tenderske dokumentacije.

E - aukcija nije zakazana iz razloga što je ostala samo jedna validna ponuda i to:

| r/b | Naziv ponuđača             | Cijena bez PDV-a u KM | Cijena sa PDV-om u KM |
|-----|----------------------------|-----------------------|-----------------------|
| 1.  | "DKM Gradnja"d.o.o. Maglaj | 11.099,97             | 12.986,96             |

U skladu s navedenim, Komisija za javne nabavke je dala preporuku rukovodiocu ugovornog organa da donese odluku kao u dispozitivu.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 5 (pet) dana od dana prijema Odluke.

Žalba se podnosi u tri primjerka, kako bi mogla biti uručena izabranom ponuđaču, Uredu za razmatranje žalbi i ugovornom organu.

Žalba se podnosi neposredno ugovornom organu, u pisanoj formi, direktno ili putem preporučene poštanske pošiljke.

Obrađivač:

Jasminka Saračević

Dostavljeno:

1. Ponuđači – putem maila
2. Služba za urbanizam, geodetske i imovinsko-pravne poslove
3. a/a



NAČELNIK OPĆINE  
Mirsad Mahmutagić

